


經
詞
三
釋



經詞衍釋卷七

南豐吳昌瑩

而

經傳釋詞曰而者承上之詞或在句中或
者句絕之詞也而猶如也而與如同義二字可以互用而猶若
也若與如古同聲故而訓爲如又訓爲若而與若亦可互用而
猶然也而猶乃也而猶則也而猶以也而猶與也及也而爲與
聲之轉故莊子大宗師篇與其作而其

凡九義

衍曰而爲句絕之詞如漢書論云武宣之執豈其遠而韋賢傳
其先人韋孟諫詩曰我雖鄙耆心其好而我徒侃爾樂亦在而
是也

而猶如也孟子而何其血之流杵也

而同如柰也其乃也

左傳定十年齊

師出竟而不以甲車三百乘從我者有如此盟又曰而不反我汶陽之田吾以共命者說苑雜言篇夫君子小人猶水火不能相然也而鼎在其間水火不亂乃和百味此類之而竝同如又公穀凡言而何皆如何也又襄二十三年而殺之所不請於君焚丹書者有如日言如殺督戎若不請於君焚丹書者有此日也

所若也如此也

齊策子孰而與我同赴諸侯乎言何如同我赴也

鮑注

而詞也又或訓而爲能皆未協而同如詞之如亦同如似之如成七年抽戈結

衽而僞訟者謂如僞訟也吳越春秋吳王僚傳一面而別雖灰而生謂如生也鄧析子轉辭篇天下平而故也謂如故也

而猶若也論語管氏而知禮孟子而主癰疽與侍人瘠環詩人而無儀人而無儀不處何爲

上句而字乃也

既醉而出醉而不出禮記

勇敢強有力而不用之於禮義戰勝此類而義竝訓爲若昭十二年子產過汝而問何故不毀乃曰不忍廟也汝同爾此也乃則也言子產過此處若問何故不毀則曰不忍廟在此也十八年子產過女而命速除乃毀於而鄉言若命速除則毀於汝陳之道南也

乃則也而鄉之而汝也

而猶然也論語夫子焉不學而亦何常師之有孟子而未嘗有顯者來地非不足而儉於百里左傳昭十四年臣願受盟而疾興史記張蒼傳吾念之欲如是而羣臣誰可者漢書游俠郭解傳自是之後俠者極眾而無足數者以上而義竝同然

而猶乃也大學可以人而不如鳥乎論語斯人也而有斯疾也孟子而不見與薪而謂賢者爲之乎而不得食於子至於身而

不知所以養之者左傳襄九年有四德者隨而旡咎三十年非相違也而相從也又曰吾語諸趙孟之偷也而又甚焉成二年吾子布大命於諸侯而曰必質其母以爲信又曰今吾子疆理諸侯而曰盡東其畝而已昭十三年歸子而不歸三十年今而始大比於諸華檀弓篇子手弓而可揚子解嘲篇顧而作太元五千言而竝乃義

而猶則也論語求仁而得仁又何怨左傳僖十五年貳而執之服而舍之襄二十五年言之無文行而不遠

之若也

昭四年召諸

侯而來伐國而克五年求諸侯而麋至求昏而薦女禮記唯而起朋友之墓有宿草而不哭焉同而進不同而退數有慶而益地數有讓則削地家語寡人欲吾國小而能守大則攻其道如

何家語禮記皆而則對文而實則義鬻子武王問篇寡人願守而必存攻而必

得戰而必勝淮南子道應篇道不可聞聞而非也道不可見見而非也道不可言言而非也史記子貢傳千鈞之重加銖兩而移張儀傳凡天下疆國非楚而秦非秦而楚治安策及秦而不然而竝言則也

而猶以也以同已故而又可訓已論語奚而不喪孟子奚而不知也皆言何以也春省耕而補不足秋省斂而助不給鹽鐵論引作以補以助左傳昭十三年楚共王寵子五人無適立乃埋璧於太室之庭使五人齊而長入拜言以長幼次入拜也禮記相觀而善之謂摩言相示以善也鬻子武王問篇自古而至於今史記趙世家吾以眾我寡二而伐一可乎而皆言以也孝經

第十八章皆而以相對爲文其作已訓者如左傳昭四年牛謂

叔孫見仲而何

而猶如也

叔孫曰何爲曰不見旣自見矣公與之環

而佩之矣韓子內儲說作已珮之矣成十七年今衆繁而從余

三年矣言已從余也又曰一朝而尸三卿余不忍益也言一朝

已殺也昭十三年客從之未退而禁之言客未退已禁止也二

十年使而失命召而不來言使已失命召又不來也

下句而哀字又也

十一年陳轅頗賦封田嫁公女有餘以爲已大器國人逐之道

渴其族轅喧進稻醴梁糗暇脯焉喜曰何其給也對曰器成而

具言汝器成之時我已具此食也禮記父母而賓客之所以爲

哀也言父母已成賓客也汲冢周書太子晉篇師曠曰曠臣無

見爲人辨也

爲與也

惟耳之侍而耳而耳猶已耳也史記封禪書

八神將自古而有之漢書藝文志自孔子時而不具子華子臣也不武年運而往矣言已有也已不具也運已往也

而猶與也及也論語食體而餽魚餒而肉敗不食言體與餽魚爛與肉腐皆不食也左傳襄二十五年若爲已死而爲已亡言

與爲已亡也昭四年恃險與馬而虞鄰國之難是三殆也言恃

險與馬及虞鄰之難也二十五年哀樂而樂哀皆喪心也言哀

所樂與樂所哀也魯語二三子計乎有禦楚之術而有守國之

備乎子虛賦彰君之惡而傷私義二者無一可漢書天文志熒

惑在角亢憂在宮中非賊而盜也也猶邪也高祖紀其亡罪而亡爵

及不滿大夫者皆賜爵爲大夫淮南俶眞訓夫憂患之來攫人

心也非直蜂蠆之螫而蚤蠹之慘怛也直猶特也主術訓夫推而而猶

也其不可爲之勢而不修道理之數以上而義竝訓曰與

而猶其也

此義釋詞不載

左傳不在此其在異國史記田敬仲完世家

作而在異國孟子當今之世舍我其誰也論衡非韓篇作而誰
蓋而其可互相爲訓也非子覺之而誰也論語而誰以易之吾
非斯人之徒與而誰與左傳僖二十四年主晉祀者非君而誰
宣三年子爲正卿亡不越竟反不討賊非子而誰哀十六年楚
國第我少令尹司馬非勝而誰而誰謂其誰也僖二十八年及
而元孫無有老幼言及其也今本或作及其昭七年得免而少爲惠大
矣言免其少也今本多禮月令篇以固而閉舊解訓而爲其注鄭
訓而爲汝失之漢書司馬相如傳臨邛令王吉與書曰長卿久宦遊不
遂而來過我於是相如往言其來過我家也

博雅曰而豈也

此義釋詞不載

孟子不賢而能之乎言豈能也論語爲

仁由已而由人乎哉左傳僖二十年善敗由已而由人乎哉言豈由人也襄二十四年毋甯使人謂子子實生我而謂子浚我以生乎而豈也言豈可使人謂子取我財以自生乎也二十九年君又在殯而可以樂乎言豈可以也昭十三年况衛在君之字下而敢有異志魯語今大夫而設諸侯之服有其心矣若無其心而敢設服以見諸侯之大夫乎而敢豈敢也

而猶且也

此義釋詞不載

書能哲而惠淮南子引作且惠左傳君子愛

其君而知其罪晉語作且知其罪檀弓且號者三劉子政論起昌陵疏引作而號者三是而與且同一義也論語死而無悔者勞而不怨磨而不磷涅而不緇孟子莅中國而撫四夷也而又

有天子薦之者左傳歸之而質其太子臣問其詩而不知也宋何役之不會而何盟之不與與我同壤而世爲仇讐禮記平公曰寡人亦有過焉酌而飲寡人羅氏致鹿與女而詔客告也魏策齊王曰子無之魏而見寡人也

言且來見寡人

此類而義竝同且且

訓爲又故而亦同又義學而時習之言旣學又時習也謹而信而親仁敏而好學居簡而行簡而能濟眾孟子就之而不見所畏焉凡上下同意中轉一而字者皆且義又義均常語也

註家每遇

而字訓又義之處必合訓而又云云則以而字爲轉折之詞非直訓而爲又也

而猶猶也

此義釋詞不載

孟子舜其至孝矣五十而慕劉向新序作五

十猶慕故集註曰言舜猶怨慕史記鄒陽傳故無因至前雖夜光之璧猶不見德漢書作而不見德是而與猶義同也論語四

十五十而無

不識可以繼

遂痞期而不

一也淮南造

且也尙也而

檀弓之而口

先王制禮不

何無罪與則

而猶故也

作而形山者

弗傲爲故

經詞衍釋

田敝邑之舊也而用師於齊使歸諸敝邑言故用師也晉語陽人未狎君德而未敢承命而亦故義而與故亦互相爲訓故之作而訓者如孟子不遇故去謂不遇而去也燕策劍堅故不可立拔言而不可也

而猶夫也

此義釋詞不載

論語夫召我者而豈徒哉子華子作彼召我

者夫豈徒然哉必有以處我者矣是而與夫亦同義也夫彼也言彼豈空召我也漢書朱浮傳災異尤見者而豈徒然梁冀傳論破家傷國而豈徒然而豈猶夫豈也孟子而舜旣爲天子矣而舜猶夫舜也史記李斯傳凡古之所爲尊賢者爲其貴也而所爲惡不肖者爲其賤也而堯禹以身徇天下者也而堯禹猶夫堯禹也

而猶此也

此義釋詞不載

穆天子傳比及三年將復而野郭璞注謂反

此野是訓而爲此也禮記敬慎重正而后親之禮之大體而所

以成男女之別而立夫婦之義也言此所以別男女與立夫婦

之義也

下句兩字與也而所以之而釋詞訓爲乃

趙策豫讓拔劍擊襄子之衣曰而

可以報智伯矣言此可以謝智伯也蓋而訓爲爾爾訓爲此故

而又可以此爲訓

而猶唯也

此義釋詞不載

左傳僖二十四年天實置之而二三子以爲

已力說苑復恩篇作唯二三子以爲已力是而與唯同義也成

二年所使來撫弔一人而鞏伯實來言唯鞏伯來也十三年我

襄公未忘君之舊勳而懼社稷之隕是以有殺之師言唯懼也

襄四年忘其國恤而思其麀牡二十四年四鄰諸侯不聞令德

而聞重幣二十五年君昏不能匡危不能救死不能死而知匿
其暱其誰納之昭五年四分公室季氏擇二二子各一皆盡征
之而貢于公僖公穀梁傳璧則猶是也而馬齒加長矣如此類
而字竝同唯義論語不患寡而患不均不患貧而患不安言唯
患也知和而和謂知和之可貴唯以和也
唯獨也專也卽集
註所謂一於和孟
子不揣其本而齊其末而亦唯義蓋而與若互相爲訓若又訓
曰唯故而亦得與唯同義

如

經傳釋詞曰如若也常語也如猶奈也凡經言如何如之何皆
奈何也如詞助也如猶然也如猶而也如猶乃也如猶則也如
猶不如也如猶當也如訓相當之當又爲當如是之當如猶將

也如猶與也及也如與聲相近故如訓爲與與亦訓爲如如猶於也如猶乎也

衍曰孟子君如彼何哉吾如有萌焉何哉左傳莊十四年其如蔡哀侯乎如皆奈訓

如詞助也易乘馬班如之類

如猶然也論語申申如也天天如也則皇皇如也之屬是也易突如其來如突如猶突然也來如之如詞助也

如猶而也詩疾如疾首左傳襄二十七年公喪之如稅服終身大戴禮問入官篇是故不賞不罰如民咸盡力保傅篇然如不能從如竝而義又春秋莊七年夜中星隕如雨如同而又也見

字謂星隕又雨也故傳曰與雨偕也釋詞引劉歆訓

曰而且雨義同

如而互通而訓爲其如與若同義若亦訓曰其而若如三字均

同義通用則如固可作其訓矣

此義釋詞不載

詩彼君子女綢直如髮

言密直其髮也詩人詠女之美每誇其髮若下章卷髮如蠶髮則有襉是也傳箋均訓女之綢直似髮殊失本指且不可解

如猶乃也孟子如不待其招而往何哉如枉道而從彼何也言乃不待也乃枉道也漢書劉向傳如忽然用之此天之所以先戒災異之所以重至也如忽然謂乃忽然也王符潛夫論邊議篇天工人其代之如蓋理其政以和天氣蓋猶於是也言乃於是理其政也

如猶則也詩旣夷旣懌如相醜矣言則相醜也左傳文十八年是以堯崩而天下如一同心戴舜以爲天子如則也一皆也言

若猶及也至也汲冢周書世俘篇惟一日丙辰旁歿魄若翼日
丁巳言及翼日也史記天官書無德受殃若亡言受災及至於
亡國也

若猶及也與也左傳昭十七年其以丙子若壬午作乎以於也
言其於丙子與壬午日也定十七年請君若太子來以免志父
言君與太子偕來也禮記去國三世爵祿有列於朝出入有詔
於國若兄弟宗族猶存內則篇切葱若薤炮取豚若將以醢若
醢醢父母有婢子若庶子庶孫玉藻篇大夫沒矣則稱謚若字
投壺篇矢以柘若棘魏策今王能以百里之地若萬乘之都請
殺范痤於魏燕策今涇陽君若高陵君先于燕趙史記游俠郭
解傳適有天幸窘急常得脫若遇赦漢書食貨志時有軍役若

水旱民不困乏以上若字皆及也與也

若猶或也左傳昭三十一年若以先臣之故不絕季氏而賜之
死若弗殺弗亡君之惠也言或不殺不使亡也定元年若從踐
土若從宋亦唯命言或從也儀禮公食大夫禮曰魚腸胃倫膚
若九若十有一下大夫則若七若九士喪禮曰書贈於方若九
若七若五言或九或七或五也

若猶其也書若考作室言其父作室也左傳襄二十一年若大
盜禮焉以君之姑姊與其大邑言其大盜也昭二十年若有德
之君外內不廢言其有德也哀二十年若使吳王知之若何言
其使也

若而也詩頌而長兮抑若揚兮若與而互文若亦而也史記瀆

于意傳慎毋令我子孫知若學我方也言毋令子孫知我之術而學我之方也

若乃也孟子民以爲將拯已於水火之中也簞食壺漿以迎王師若殺其父兄係累其子弟若殺謂乃殺也書民若有功言乃有功也吳越春秋子貢見越王王曰蠻夷之民大夫何索然若不辱乃至于此然猶而也若乃也不辱之不詞也乃而也言而乃辱而至于此也

越絕書作居然而辱乃至于此

史記伍員傳子胥仰天嘆曰

若旣得立欲分吳國子我我固不敢望也然今若聽諛臣言以殺長者然而也言而今乃聽諛臣言也

若猶則也書汝多修扞我于艱若汝子嘉多猶祇也言汝祇扞衛我於艱難則子嘉汝也

釋詞訓若爲惟

齊策君聽臣則可不聽臣若

臣不肖也若亦則義

若詞之惟也左傳宣十八年吾若善逆彼以懷來者言吾惟善

逆彼可以懷來者也

以字有可以是以兩訓

成十六年我若羣臣輯睦以

事君多矣言我惟羣臣和睦也哀九年若帝乙之元子歸妹而

有吉祿

而乃也

我安得吉焉言惟帝乙之元子歸妹乃吉也

若猶且也且訓爲若若自可訓爲且

此義釋詞不載

左傳昭十三年若

入於大都而乞師於諸侯又曰若亡於諸侯以聽大國之圖君

也史記作且入於大都且亡於諸侯

釋詞訓若入爲或入

又呂氏春秋知

士篇且靜郭君聽辨而爲之齊策且作若是若與且之義同也

左傳昭二十六年君若待於曲棘使羣臣從魯君以卜焉言君

且待也

釋詞訓若爲其蓋其亦且也

三十年若爲三師以肄焉言且爲也禮

記猶若可以致其敬於鬼神猶若言尙且也謂尙且可以致敬

也

釋詞訓猶若爲猶然

呂氏春秋知度篇舜禹猶若困而况俗主乎言尙

且困也荀子不苟篇雖作於心見於色出於言民猶若未從也

言民尙且不從也書子仁若考史記周公世家考作巧言子仁

且巧也

釋詞訓子仁而巧蓋而亦且義

晉語吾爲主圖非爲子也怨若怨焉言

怨尙且怨也又曰今若休憂於翟以觀晉國言今且休憂也後

漢仲長統傳又不知天若窮此之數欲何至邪言天且窮也

然

經傳釋詞曰然猶是也常語然摩也

摩通作應

但爲應詞而不訓爲

是也然故是故也然如是也凡稱然則雖然不然無然胡然夫

然者皆是也常語也然詞之轉也亦常語也然而者亦詞之轉

也然而者詞之承上而轉者也猶言如是而也然狀事之詞也
然比事之詞也然猶焉也然猶而也然後而後也乃也常語也
然且而且也然猶乃也然猶則也 凡十五義

衍曰然故是故也荀子堯問篇人人皆以我爲好士然故士至

謂是故士至也

注云士以禮貌之
故而至也失之

然而者詞之轉也如孟子然而夷子葬其親厚之類

然而者承上轉語之詞猶云如是而也治安策今庶人屋壁得
爲帝服倡優下賤得爲后飾然而天下不屈者殆未有也言如
是而天下不屈也 族嘉儀說

然而者承上轉進一層之詞猶云然且也

而訓爲且故然而得
作然且訓此義釋詞

載不孟子然而不勝者然而不王者言然且也然而文王猶方百

里起言然且文王由百里起也

猶通

治安策秦之所以亟絕其

轍迹可見也然而不避是後車又將覆也言然且不避也論語

吾友張也爲難能也然而未仁然而亦然且也且尙也謂然尙

未仁也攷工記材美工巧然而不良言然尙不良也

釋詞於此等然而均

訓如是而

然而者承上轉而言他之詞猶云然其也

而猶其也此義釋詞未載

禮喪服

四制篇高宗諒闇三年不言此之謂也然而曰言不文者謂臣

下也然而曰猶然其曰也荀子臣道篇百姓不親諸侯不信然

而巧敏佞說善取寵於王謂然其巧佞也大戴禮保傅篇然如

同所以能申意者由得士也謂然其所以也史記張儀傳秦雖

僻遠然而心忿含怒之日久矣漢書董仲舒傳夫虞氏之不爲

政久矣然而樂頌遺風猶有存者又曰帝王之條貫同然而勞
逸異者所遇之時異也治安策然而曰禮云禮云者貴絕惡於
未萌而起教於微渺然而竝同然其

然而有不爲轉詞而但爲承上者猶言於是而也

然訓爲乃乃訓於是然又

同焉焉亦訓於是故然亦可禮記有父在則禮然然而眾知父

作於是訓也此義釋詞不載子之道矣又曰然而眾著於君臣之義也然而眾知長幼之節

矣皆言於是而眾知也

釋詞訓如是而

孟子然而無有乎爾則亦無有

乎爾言於是時而無有見而知者則亦終無有聞而知者也公
羊宣公傳趙盾曰君之癸不若臣之癸也然而宮中甲鼓而起
然而亦於是而也

然而猶然乃也

而乃也此義釋詞不載

荀子君道篇士大夫務節厥制然

而兵勁百吏畏法循繩然後國常不亂然而謂然乃也

楊倞注訓然而

爲然後失之

又曰以天下之王公莫好之也然而于是獨好之以天

下之民莫欲之也然而于是獨爲之然而均然乃義

然而猶然則也見釋詞而字注

然則猶然而也

見釋詞則而也注

孟子然則非自殺之也一聞耳此然

則義同然而猶謂如是而也

然如是也

言如是而非自殺所爭止一

聞耳也

然猶而也史記項羽紀然今卒困於此又曰夫秦失其政豪傑

竝爭然羽非有尺寸乘勢袁盎傳夫諸呂用事大臣專制然陛

下從代乘六乘車馳不測之淵李廣傳程不識曰廣軍極簡易

然虜卒犯之無以禁也

此句然字本義

我軍雖煩擾然虜亦不得犯我

又曰諸郡校尉以下材能不及中人然以擊胡軍功取侯者數十人晏子傳今子長八尺乃爲人僕御然子之意自以爲足漢書丙吉傳君侯爲漢相姦吏成其私然無所懲艾翼奉傳雖有成王之明然無周召之佐淮南主術訓稷辟土墾草以爲百姓力農然不能使禾冬生以上然義均而訓

然猶而也若也

然與若互相爲訓何休注公羊亦訓然爲如此義釋詞不載

左傳襄二十二

年臣爲隸新然二子者譬如禽獸臣食其肉而寢處其皮矣言若二子也韓子說林篇夫楊橫樹之卽生倒樹之卽生折而樹之又生然使十人樹之而一人拔之卽無生楊卽則也魏策作則淮南主術訓夫驩騶綠耳一日而至千里然其使之搏兔不如豺狼

此然義竝同若詞

然且而且也孟子然且不可趙策然且欲行天子之禮於鄒魯之臣蘇秦傳然且行之者莊子馬蹄篇然且世世稱之皆言而且也且又也故然且又訓而又如孟子識其不可然且至是也然且猶是尙也

然是也且尙也此義釋詞不載

孟子然且仁者不爲

然猶乃也韓策臣有讐而行遊諸侯眾矣然至齊聞足下義甚高又曰嚴仲子舉百金爲親壽我義不受然是深知政也周勃世家吾嘗將百萬軍然安知獄吏之可貴乎然竝義如乃

然猶則也莊子外物篇靜然可以補病言靜則可也

然猶則也猶乃也則與乃皆訓於是也

此義釋詞不載

史記越世家莊

生家負郭居甚貧然長男發書進千金言於是長男進金也孔子世家衛靈公問蒲可伐乎子曰可吾所伐者不過四五人靈

公曰善然不伐蒲言於是不伐也淮陰侯傳母死無以葬然乃行營高敞地言於是乃也賈誼新書閭閻富故然使鱗諸刺王僚燕太子丹富故然使荆卿刺秦王言故於是使也

然猶抑也

此義釋詞不載

左傳昭元年抑此二者不及君身史記鄭世

家作然是二者二十四年今王室實蠢蠢然吾小國懼矣然大國之憂也然義同抑

然猶顧也但也

顧訓但見顧字詁此義釋詞不載

左傳成二年子豈識之然子

病矣昭元年文子曰武受賜矣然宋之盟子木有禍人之心武有仁人之心是楚所以駕於晉也又曰然鮒也賄弗與不已三年然自今子其無事矣史記曹相國世家帝怪參不治事謂其子窳曰日飲無所請事何以憂天下然無言吾告若也此類之

然均顧義但也

然後猶是後也

然訓爲是故然後可訓爲是後此義釋詞不載

史記封禪書東海致比

目之魚西海致比翼之鳥然後物有不召而自致者十有五焉

注云然後是後也

然乃猶然且也

乃且也此義釋詞不載

說苑貴德篇行須與之怒而鬪終

身之禍然乃爲之是忘其身也言然且爲之也

荀子榮辱篇行其少傾之怒而

喪終身之軀然且爲之是忘其身也文義正同案兩詞疊用者文同而義各有別如於是二字有訓當時者有訓因此者有訓如是者有訓由是者有訓乃者又如是故二字有訓所以者有訓是乃者有訓於是者又如若夫二字有訓若彼者有訓若凡者又如今夫二字有訓若彼者有訓若凡者有訓今若者又如以爲二字或訓用爲或訓謂爲或訓因是或訓與有又如其惟二字或訓尙乃或訓尙其或訓乃以或訓若以又如然而二字或訓轉語詞或訓然且或訓然其或訓如是而或訓於是而或訓然乃或訓然則又如然乃二字或訓於是乃或訓然且又如然後二字或訓而後或訓是後凡此之類不能執一義以求當

審二字之實義與古人之用意分別以推之

爾爾

經傳釋詞曰爾詞之必然也字通作爾詞之終也語助也爾猶然也皆常語也爾猶如此也凡言不爾果爾乃爾聊復爾耳者竝與此同義爾猶此也焉爾猶於是也於此也爾猶而已也爾猶矣也爾猶焉也

凡九義

衍曰爾猶如此也孟子鬱陶思君爾後漢書鄧禹傳汝乃我家出亦敢爾邪廉范傳怪卿志膽敢爾字通作汝書汝則有常刑汝則有大刑言如此則有也

越語進則用命退則無恥如此則有常刑詞義正同

爾猶此也書爾不啻不有爾土詩旣作爾歌是也通作女汝詩今女下民孟子引作今此下民左傳昭十二年子產過汝十八

年子產過女皆言過此也

爾猶乃也

乃訓爲爾故爾亦可訓乃此義釋詞不載

後漢書彭寵傳我功當爲王但

爾者陛下忘我邪

邪猶也

爾者猶乃者也通作汝書今爾有眾汝

曰我后不恤爾眾汝猶乃也言爾眾乃曰我君不恤爾眾也

耳

經傳釋詞曰耳猶而已也耳猶已矣也耳猶矣也

仍

經傳釋詞曰仍乃也說文仍从乃聲故乃字或通作仍

衍曰仍乃也詩仍執醜虜言乃執也後漢郭玉傳和帝時爲太

醫丞多有效應仍試令嬖臣美手腕者與女子雜處帷中使玉

診仍試乃試也司馬遷傳太史公仍父子相繼簪其職陳湯傳

宣帝嘉之仍下明詔宣著其功仍均乃義

聊 摽

經傳釋詞曰聊願也聊且略之辭聲類作摽

來

經傳釋詞曰來詞之是也來句中語助也來句末語助也

衍曰來是詞也詩遙追來孝福祿來成公尸來燕來宗

來句中語助也易終來有他吉詩猶來無止

經詞衍釋卷七終

經詞衍釋卷八

雖唯惟

經傳釋詞曰雖詞兩設也常語字或作唯作惟說文雖字以唯爲聲故雖可通作唯唯亦通作雖

衍曰孟子雖然欲常常而見之故源源而來雖然猶唯然也禮記使之雖病也任之雖重也之猶則也言使則惟煩也任則惟重也荀子解蔽篇故雖不在夏首之南則無以異矣言故惟不在也韓子問田篇故託萬乘之勁而不至於霸王者雖用術於上法不勤飭於官之患也言惟用術也喻老篇則雖無飛飛必冲天則雖無鳴鳴必驚人則是也則雖猶言是惟也韓策列侯爲君而許異終身相焉而韓氏之尊許異也猶其尊列侯也今

日鄭君不可得而爲也雖終身相之焉桓公九合諸侯諸侯之尊桓公也猶其尊襄王也今日天子不可得而爲也雖爲桓公兩雖字皆如惟

博雅曰雖豈也

此義釋詞不載

詩雖無予之路車乘馬言豈無予之也

禮記雖微晉而已天下其誰能當之微小也言豈特區區晉而已也晉語恥大國之士於中原又殺其君以重之子思報父之仇臣思報君之仇雖微秦國天下孰不患言豈特徵小秦國不能當也韓子八說篇鮑焦木枯華角赴河雖不可以爲耕戰之士言豈不可以也

雖猶若也

此義釋詞不載

左傳昭七年聖人有明德者若不當世其後

必有達人史記作雖不當世是雖與若義一也論語仁者雖告

之曰謂若告之也譬如平地雖覆一簣謂若覆也孟子雖存乎

人者豈無仁義之心哉左傳成元年雖晉人伐齊楚必救之文

十七年雖敝邑之事君何以不免又曰雖我小國則蔑以過之

矣昭九年雖戎狄其何有余一人

以上三雖字釋詞均訓曰惟

十三年雖獲

歸骨於晉猶子則肉之

則且也

禮記既措必盥雖有執於朝弗有

盥矣墨子尚賢篇故雖昔者三代暴王桀紂幽厲之所以失損

其國家傾覆其社稷者

釋詞訓此雖曰惟

晉語雖有後患非吾所知韓

子難三篇賞罰信於所見雖所不見其敢爲之乎此類雖字竝

同若義案雖字與唯字互通唯訓若詞故雖亦得訓曰若

雖語助也見漢書高祖紀注

此義釋詞不載

肆

經傳釋詞曰肆遂也遂肆聲相近方俗語有侈舛耳肆故也

凡二義

衍曰肆故也書肆子冲人肆朕誕以爾東征王莽放大誥文作故予故我

爾雅肆今也今與茲同義

此義釋詞不載

書肆王惟德用肆上帝將復

我高祖之德肆爾多士肆爾小子封之屬

自

經傳釋詞曰自詞之用也自苟也

凡二義

衍曰自用也左傳昭十三年昔鮒也得罪於晉君自歸於魯君言用歸也自訓爲用用以也昭三年四升爲豆各自其四以登于釜言各以其數之四也史記高祖紀公常奇此女何自妄許

與劉季袁盎傳吾聞劇孟博徒將軍何自通之田叔傳王非若
主邪何自敢言若主漢書張良傳上曰吾求公逃避今公何自
從吾兒遊乎何自猶何以也吳越春秋子胥曰吾蒙子前人之
恩自至于此言以至于此也

自猶苟也論語自行束脩以上言苟行也

集註苟字
明訓自字

書自上其

罰汝汝罔能迪言苟上而罰汝也

其而也

禮記自吾母而不得吾

情吾惡乎用吾情

何大令
鸞書說

大戴禮問入官篇君子入官自行此

六路者則身安譽至而政從矣

從順也

史記伍員傳自太子居城

父將兵外交且入爲亂矣范睢傳自非然者漢書董仲舒傳自
非大無道之世者天盡欲扶持而安全之西京雜記自非顯才
高行安可強冠之哉鹽鐵論論功篇自非聖人得志而不驕佚

者未之有也自竝苟訓

自猶苟也若詞如詞也

此義釋詞不載

禮記自卿大夫士之家曰私館

言若卿大夫士家也漢書師丹傳丹經行無比自近世大臣能若丹者少言如近世若丹之經行者少也仲舒傳贊自宰我子貢子游子夏不與焉言若宰我也

自由也由通猶故自亦訓猶

此義釋詞不載

漢書馮唐傳帝謂唐曰父

老何自爲郎言父已老何猶爲郎也師古曰年已老何自爲郎意近是但自字未明訓耳史記秦紀后子富如此何以自亡謂何以猶出亡也

自猶雖也

此義釋詞不載

自訓爲若若與雖同義

見雖字詁

故吳越春秋句

踐二十一年吾愛士雖吾子不能過也及其犯誅自吾子亦不

能脫也自與雖對文自實雖義也史記平準書老弱轉糧饑作
業劇而財匱自天子不能具鈞駟言雖天子不能具也禮書自
子夏高弟猶云出見紛華而說入聞夫子之道而樂而況中庸
以下乎言雖子夏高弟子也張蒼傳昌爲人彊力敢言自蕭曹
等皆卑下之漢書劉向傳非獨不可用於朝廷自州里亦不可
也張禹傳性與天道自子貢之屬不得聞沉澁見鄙儒之所言
韓安國傳且自三代之盛夷狄不與正朔服色嚴助傳自三代
之盛胡越不與受正朔東方朔傳朔直言切諫自公卿在位朔
皆敖棄無所爲屈又曰自唐虞之隆成康之際未足以諭當世
朱雲傳自堯之用舜文王之於太公猶試然後爵之又况朱雲
者乎霍光傳自霍光之賢不能爲子孫慮于定國傳上報曰災

咎不爲一端而作自聖人推類以記不敢專也况於非聖者乎
王莽傳自黃帝湯武行師必待部曲旌旗號令鹽鐵論非殃篇
李梅實多者來年爲之而衰新穀熟者舊穀爲之而虧自天地
不能兩盈而况於人事乎刑德篇自吏明習者不知所處而况
愚民乎自竝作雖訓

自古謂昔時也或但言自亦昔義也

此義釋詞不載

史記齊世家自吾

先君太公曰當有聖人適周周以興子真是邪自吾猶昔吾也
封禪書自未作鄜時也而雍旁故有吳陽武時言昔未作之時
也

茲
滋

經傳釋詞曰茲此也常語茲斯也茲者承上起下之詞字或作

滋凡三義

衍曰茲通滋益也孟子士憎茲多口言益多也詩我思肥泉茲之永歎之猶以也言益以長歎也左傳宣十五年怙其雋才而不以茂德茲益罪也襄十四年今余命女環茲率舅氏之典昭七年三命茲益共定九年君富於季氏而大於魯國茲陽虎所欲傾覆也漢書儒林傳益尙書茲多於是矣匈奴傳茲欲鄉和親茲竝同滋揚雄解難篇歷覽者茲年矣師古注茲年多年也亦益字義也

茲歎美已詞也已訓爲此爲茲故茲又可作語已之詞

此義釋詞不載

書周公曰嗚呼休茲漢書岑彭傳贊美矣岑君嗚呼休茲言休茲者猶休已也

斯

經傳釋詞曰斯此也斯猶則也皆常語也斯猶乃也斯猶其也斯猶維也斯猶是也斯猶然也斯語已詞也亦常語也斯語助也凡九義

衍曰斯猶然也詩乃安斯寢王赫斯怒漢書敘傳至于孝武爰赫斯怒史記酷吏傳贊雖慘酷斯稱其位矣

斯猶則也廣雅曰則卽也則通卽故斯亦訓爲卽此義釋詞不載論語

其言也訥斯謂之仁矣乎孟子斯可受禦與歸斯受之而已矣如知其非義斯速已矣善斯可矣斯竝卽義

斯猶卽也雖也此義釋詞不載孟子斯孔子受之矣斯君子受之敢問

何說也

些息計息賀兩反或子移反

經傳釋詞曰些詞也語餘聲也或作些

思

經傳釋詞曰思語已詞也思發語詞也思句中語助也凡三義

衍曰思詞之惟也惟訓曰思故思可訓曰惟詞此義釋詞不載書臬陶

曰予未有知思曰贊贊襄哉言予未有所知惟曰贊助哉也集傳

云曰讀作日謂惟思日贊助以成治益不知思即訓惟故不免添改經文子何言予思日孜孜謂子

何有昌言予惟日勉力也惟日孜孜正同其義左傳昭二十六年思肆其

罔極言惟肆其無極之心也孟子思以一毫挫於人以此也言

惟此一毫見挫也推惡惡之心思與鄉人立其冠不正望望然

去之言推其惡惡之心惟與鄉人立時其冠不正即去之也

將

經傳釋詞曰將且也常語也將猶其也將猶抑也將猶乃也

凡

四義

衍曰將猶其也左傳將免我乎將得已乎誰將當日食克之君將誰與之類

將猶抑也孟子子能順杞柳之性而以爲栝櫨乎將戕賊杞柳

而後以爲栝櫨也

也猶邪也

言抑戕賊也莊子至樂篇夫子貪生失

理而爲此乎將子有亡國之事斧鉞之誅而爲此乎將子有不

善之行愧遺父母妻子之醜而爲此乎將子有凍餒之患而爲

此乎將子之春秋故及此乎史記孟嘗君傳人生受命於天平

將受命於戶邪龔遂傳今欲使臣勝之邪將安之也

也猶邪也下諸也字

傲此漢書成帝紀意迺招賢選士之路鬱滯而不通與將舉者未得其人也王莽傳誠以大司馬有大功當著之邪將以骨肉故欲異之也于定國傳民父子相棄吏匿不言邪將從東方來者加增之也何以錯繆至是京房傳知其巧姦而用之邪將以爲賢也董仲舒傳毋乃牽於文繫而不得騁與將所繇異術所聞殊方與貢禹傳意豈有所恨與將在位者與生殊乎匈奴傳單于曰此天子詔語邪將從使者所求邪卓茂傳亭長爲汝求乎爲汝有事屬之而受乎將平居自以恩意遺之乎此類將義竝同抑又韓詩外傳客有見周公者曰入乎將毋周公曰請入客曰坐乎將毋周公曰請坐客曰言乎將毋周公曰唯唯將毋謂

抑否也

毋同無否也

將猶乃也。孟子：宋小國也。今將仁
違亂之賂器於太廟。宣十二年
平又曰：此行也將鄭是訓。定豈
代其君任患者有一於此。將爲
以救其死。若之何。銘之。定四年
是反先王也。六年。今將以小忿
今諸侯會而君將以寡君見晉
以上諸將義竝如乃

將殆也

此義釋
詞不載

左傳：昭十三年

皆必有車轍馬跡焉

將猶如也

如訓將將自訓爲
如此義釋詞不載

左傳

言如立也襄二十七年兵民之殘也財用之蠹小國之大蓄也
將或弭之雖曰不可必將許之勿許楚將許之上將字如訓中
將字當訓下將字則也言如或弭兵雖曰兵不可弭必當許之
我若不許楚則許之也三十一年鄭國將有諸侯之事子產乃
問四國之爲於子羽昭三年將奉贄幣以無失時則國家多難
二十一年道下遇兩將不出是不歸也二十七年合尹將必來
辱爲惠已甚三十一年將使歸糞除宗祧以事君則不能見夫
人已已舊作紀音屬下句讀誤定八年宋將叛晉是棄溷也禮記將有四方
之寶來褻衣何爲陳於斯將適舍求母固下文將字同晉語質將善
而賢良贊之則濟可俟也將義竝爲如詞

將猶當也

當訓將將自訓爲當此義釋詞不載

論孟天將以夫子爲木鐸吾將仕

矣二王我將有所遇焉將五十里也將爲君子焉將爲野人焉

爲有也言當有也
趙注訓亦有失之

左傳將行哭而過市諺所謂老將知而耄及

之者猶將十世宥之之屬將之訓當所在多有諸可類推

將猶則也

則將互相爲訓
此義釋詞不載

左傳襄三十一年其所善者吾則行

之其所惡者吾則改之新序作吾將行之吾將改之是將之同
則義也二十三年今君聞晉之亂而後作焉甯將事之二十九
年若非侵小將何所取韓子顯學篇夫是漆雕之廉將非宋榮
之恕是宋榮之寬將非漆雕之暴也史記楚世家三年不蜚蜚
則冲天三年不鳴鳴將驚人將與則對文治安策主上遇其大臣如
遇犬馬彼將犬馬自爲也如遇官徒彼將官徒自爲也新序義
勇篇直兵將旌之曲兵將鉤之以上皆將之同則

將且也而也

且而同義說見且字而字兩詁此義釋詞不載故左

至授僕人書將伏劔晉語作而伏劔孟子
而食也書用以容將食無災言民竊神犧
之無災害也左傳隱十一年羽父請殺桓
九年今一會而虐二國之君又用諸淫昏
難乎皆言而以求也成二年韓獻子將斬
言馳而救也昭六年今吾子相鄭國作封
刑書將以靖民不亦難乎七年君不忘先
臨楚國定四年國家方危諸侯方貳將以
乃匍匐將入棘闈又曰譬如禽獸然一个
上皆將同而義

將猶甯也豈也

甯訓爲愴故將亦得訓甯此義釋詞不載

楚語昭王曰重黎實使天

地不通者何也若無然民將能登天乎韋注民豈能上天是也

晉語貳將可乎左傳成二年雖重幣晉將可乎皆言豈可乎也

襄二十七年求逞志而棄信志將逞乎言志甯可逞乎也

徐鍇曰甯

猶甯可也

且

經傳釋詞曰且將也且尙也且又也且姑且也皆常語且猶抑也且未定之詞也且借也且猶若也且猶此也今也字亦作徂且夫者指事之詞也且猶夫也且更端之詞也且發語詞也且

句中語助也

凡十四義

衍曰且猶抑也淮南精神訓不識天之以我備其物與且惟無

我而物無不備者言抑惟無我也

釋詞訓且惟爲且雖

史記酈生傳足下

欲助秦攻諸侯乎且欲率諸侯破秦也

也猶邪也

言抑欲破秦邪也

李斯傳二世曰吾方燕私丞相輒來請事丞相豈少我哉且固我哉豈其也言丞相其少小我哉抑固陋我哉也

且猶若也左傳桓五年且攻其右右無良焉必敗言若攻也昭

二十六年且爲後人之迷敗傾覆而溺入於難則振救之言若

有爲有也

後人傾敗王室而陷王於患難則各藩起而救之也哀

十三年且謂魯不共而執其賤者七人何損焉言若謂魯不共

也齊策且顏先生與寡人遊食必太牢出必乘車史記楚世家

且先出地而後絕齊則秦計不爲先絕齊而後責地則必見欺

於張儀太公世家君且欲霸王非管夷吾不可趙世家且服奇

者志淫則是鄒魯無奇行也蘇秦傳且使我有雒陽負郭二頃
吾豈能佩相印乎後漢元后傳且使鬼神無知何用廟爲此皆
且之訓若若與雖同義故且亦得訓曰雖趙策且微君之命命
之也臣固且有效于君言雖無君命也

釋詞訓此且
爲發語詞

且猶此也今也左傳昭十三年且役病矣請藩而已言今役病
也史記李廣傳豈吾相不當侯邪且固命也言此乃命也
字亦作徂詩我徂惟求定言我且也且今也

固乃也

且猶夫也孟子且古之君子過則改之且天之生物也使之一
本左傳昭二十六年且天之有彗也以除穢也史記淮陰侯傳
今釋此時而自必於漢且爲智者固若此乎此皆且之同夫也
太史公報任少卿書夫人不能早裁繩墨之外漢書夫人作且

人

且猶其也

其且互相爲訓此義釋詞不載

莊子齊物論夫隨其成心而師之誰

獨且無師乎又曰果且有彼是乎哉果且無彼是乎哉呂氏春

秋公孫鞅使人謂公子卬曰今秦令鞅將魏令公子當之豈且

忍相戰乎言豈其也果其也獨其也

三且字釋詞訓句中語助

周策不必且

爲大人者言不必其爲也秦策夫賢主者必且能全道而行督責之術者也莊子人間世使予也而有用且得有此大也邪以

上皆且之同其

且猶而也

說詳而字詁此義釋詞不載

易負且乘致寇至言負擔小人而乘

車盜之招也左傳僖三十三年且使遽告于鄭言而使也宣十

二年盈而以竭天且不整而與且對文義實一也檀弓尸出戶

袒且投其冠括髮言而投也荀子榮辱篇塞者俄且通也陋者
俄且憫也愚者俄且知也皆謂俄而也韓子外儲說堯舜病且
其民未至爲之禱言而其民未爲禱病也

且子餘反

經傳釋詞曰且辭也

徂

經傳釋詞曰徂及也

衍曰書我西土隸徂邦君御事小子言西土輔治之臣及邦君
御事小子也詩自西徂東侵阮徂共皆徂之訓及

徂猶始也見詩六月徂暑箋蓋始亦及意

此義釋
詞不載

作

經傳釋詞曰作始也作之爲言乍也乍者始也作猶及也作與徂聲相近故皆訓爲及

衍曰作及也書于其無好德汝雖錫之福其作汝用咎其將也謂將及汝用咎也

作詞之爲也

此義釋詞不載

書潤下作鹹五句左傳哀二年無作三祖

羞是也

會

音增此會是以爲孝乎之會俗讀如層非也

經傳釋詞曰會乃也則也會詞之舒也會是乃是也則是也何會何乃也何則也方言曰會何也

會

音層此會經之會

經傳釋詞曰會猶嘗也

替音慘 替 替 替 慘

經傳釋詞曰替曾也字或作替替又作慘

哉

經傳釋詞曰哉言之間也哉問詞也哉疑而量度之詞哉歎詞也哉猶矣也哉句中語助也凡六義

載 載 載

經傳釋詞曰載則也載辭也字亦作載載詞也

見石鼓文 載西載北

衍曰載則也則猶且也

此義釋詞不載

詩載好其音載驟駸駸載笑載

言載馳載驅之類皆與且同義注家每訓以則或訓爲助詞皆

未安

載則也若也猶設若之詞也

此義釋詞不載

故法言先知篇云載使子

草律注訓載爲設詩載輪爾載將伯助子言若墮爾所載必請長者相助也箋云將請也伯長也長者喻賢人也汎汎楊舟載沈載浮言若沈若浮也此爲若似之若

則卽

經傳釋詞曰則者承上起下之詞字或通作卽故則又與卽同義則猶其也則猶而也則猶乃也則猶若也則猶或也何則何也凡八義

衍曰則卽也論語則哀矜而勿喜鹽鐵論引作卽哀矜禮記殷人殯于兩楹之間則與賓主夾之也家語作卽與凡經言則子史引作卽者

不可勝舉莊子盜跖篇則可以有之彼非以興名譽也言卽可以有

也墨子非樂篇然卽當爲之撞巨鐘謂然則也墨子則字多作卽禮記

疾趨則欲發而手足毋移言當疾趨卽欲發而手容必恭足容必重毋改其常度也史記高祖紀今則來沛公恐不得有此言今卽來也

則通卽卽與雖同義故則亦得訓爲雖

此義釋詞不載

史記鄒陽傳故

無因至前雖夜光之珠猶不見德故

若

有人先談則以枯木朽

株樹功而不忘則與雖對文則實雖義孟子非其道則一簞食不可受於人如其道則舜受堯之天下不以爲泰言雖一簞食也雖受天下也爲其多聞也則天子不召師而况諸侯乎言雖天子也由是則生而有不用也由是則可以辟患而有不爲也人能無以飢渴之害爲心害則不及人不爲憂矣詩穀則異室其室則邇其人甚遠亢倉子全道篇敝邑則小亦有聖人異於

所聞此皆則之同雖者

則猶其也易二人同心其利斷金潛夫論引作則利檀弓我則
隨武子乎晉語作我其孟子如此則動心否乎言其動心否也
則反諸其人乎言其反諸也致君而後去之則猶可及止也則
不敬莫大乎是一人陶則可乎則賈相若則將終之乎則亦將
戕賊人以爲仁義與書今冲子嗣則無遺壽耆詩瑱瑱姻婭則
無臚仕左傳成二年寡君之命使臣則有辭矣十二年世之治
也諸侯聞於天子之事則相朝也於是乎有享宴之禮宣公公
羊傳則客或跛或眇禮記人之稱斯師也者則謂之何若有加
則賜也不過九命周禮地官曰南則景短多暑
下文三句後漢則字同義

鮑永傳悉以則產與孤弟子此皆則義之同其

則猶而也禮記而天下其誰能宗余家語作則天下孟子竭力
以事大國則不得免焉言而不得也詩如彼行邁則靡所臻左
傳襄二十八年齊慶封與慶舍政則以其內實遷於盧蒲嬖氏
禮記行肩而不併不錯則隨祭如之何則不行旅酬之事矣公
羊宣公傳既則晉師之救鄭者至韓詩外傳故有社稷莫不欲
安俄則危矣莫不欲存俄則亡矣史記樂書君子不爲約則修
德滿則棄禮此類則竝而義

則猶乃也孟子此則寡人之罪也至於治國家則曰姑舍汝所
學而從我則是以所賤事親也則事我者也召之則不往見之
何也樂歲粒米狼戾多取之而不爲虐則寡取之凶年糞其田
而不足則必取盈焉今也滕有倉廩府庫則是厲民而以自養

也是則章子已矣若曾子則可謂養志也書嗣王則其無淫于
觀于逸于遊于田左傳僖二十三年子女玉帛則君有之羽毛
齒革則君地生焉成九年是則公孫申謀之襄十年我辭禮矣
彼則以之哀十五年雖隕于深淵則天命也禮記二三子之嗜
學也我則有姊之喪故也喪之二孤則昔者衛靈公適魯遭季
桓子之喪此類則義竝同乃

則猶若也如也孟子諫則不行言則不聽謂若不行若不聽也
入則無法家拂士出則無敵國外患者謂人若無出若無也

何大

令鸞書說

書則若時不永念厥辟不寬綽厥心時是也言如若是也

左傳僖七年心則不競何憚于病

風俗通作心苟不競

二十三年已則不

明而殺人以逞不亦難乎成九年德則不競尋盟何爲定八年

公子則往羣臣之子敢不皆負羈縶以從禮記天則不雨燕策則不可因而刺殺之則皆若詞也亦訓若似之若論語則見其參於前也則見其倚於衡也言若見也禮記進退必敬如親聽命則或使之也謂若或使也公羊宣六年入其門則無人焉門者入其闈則無人焉闈者言若無人於門也若無人於闈也焉也今本作門焉者闈焉者乃後人之妄乙此段氏若膺說

則猶或也孟子彼善於此則有之矣言或有也左傳襄十八年若有事於東方則可以逞言或可以也禮記受立授立不坐性之直者則有之矣言直情徑行者或有跪也

則猶猶也

此義釋詞不載

禮記君之臣免於罪則有先人之做廬在左

傳作猶有先人之做廬在君子之道譬則坊與大戴禮作譬猶

坊與是則義之同猶也左傳昭二十年猶在境內則衛君也言

若

猶若也

在境內猶衛之君也又曰君若惠顧先君之好照臨敝

邑鎮撫其社稷則有宗祧在言猶有也孟子智譬則巧也聖譬則力也荀子性惡篇夫聖人之於禮義也辟則陶埴而生之也皆謂譬猶也

則猶將也

說詳將字詁此義釋詞不載

孟子則使齊人傅諸使楚人傅諸鄉

人長於伯兄一歲則誰敬酌則誰先僖公左氏傳則就木焉襄公傳若未嘗登車射御則敗績厭覆是懼何暇思獲僖公穀梁傳古者被甲嬰冑非以與國也則以征無道也吳語雖四方諸侯則何實以事吳

雖猶若也

以上皆則義之如將

則猶將也猶猶也皆訓且也

此義釋詞不載

論語學則不固言且不固

也孟子夫物則亦有然者也則曰古之人古之人書不則侮厥
父母曰左傳僖三十三年秦則無禮何施之爲哀七年若亦棄
禮則有淫者矣禮記徙市則奚若此類則義同且

則猶之也

之訓爲則故則可訓
爲之此義釋詞不載

孟子敬叔父則敬敬弟則敬果

在外非由內也言敬叔父之敬敬弟之敬果在外也詩匪雞則
鳴蒼蠅之聲音非雞之鳴也匪東方則明月出之光言非東方
之明也左昭二年傳國則不共而執其使君刑已頗言國之不
共敬乃執其使人也禮記或失則多或失則寡或失則易或失
則止言或失之也

則猶之也於也則與於亦互相爲訓也

此義釋
詞不載

論語孟子則吾

豈敢言於吾也士則茲不悅言士於此也荀子非十二子篇雖

則子弟之中刑及之而宜言雖於也後漢單超傳珍飾華侈擬則宮人張讓傳起第宅擬則宮室皆言擬於也

則猶以也

則與以互相爲訓說見以字詁此義釋詞不載

左文四年傳昔諸侯朝正王

晏樂之於是乎賦湛露則天子當陽諸侯用命也謂王之賦湛露以天子當陽布令也禮記夫稽顙而不拜則未爲後也言以未爲父之後也韓策伏軾結鞅者皆不欲韓秦之合者何也則晉楚智而韓秦愚也墨子貴義篇予子冠履而斷子之手足子爲之乎必不爲何故則冠履不若手足之貴也予子天下而殺子之身子爲之乎必不爲何故則天下不若身之貴也則皆以義也以通已故則又同已義論語本之則無如之何之猶且也言本且已無也至則行矣言已行也孟子苗則稿矣左傳僖三

十三年則東載厲兵秣馬矣及諸河則在舟中矣成十六年登
邱而望之則馳騁而從之則決睢澨閉門登陴矣

下則字
猶且也襄二

十七年至則無歸矣昭三年及晏子如晉公更其宅辰則成矣
此皆則之訓已

則猶惟也

則與惟互相爲訓
此義釋詞不載

孟子充仲子之操則蚓而後可者

也集註惟蚯蚓之無求於世然後可以爲廉此惟字明訓則蚓
之則字效歟而民勿去則是可爲也言惟如是可也天下之
言性也則故而已矣心之官則思論語則可謂云爾已矣左傳
昭二十年進退無辭則虛以求媚禮記賜圭瓚然後爲鬯未賜
圭瓚則資鬯於天子此類則字竝如惟義惟詞之祇也適也故
則又可訓爲祇與適孟子卒爲善士則之野言適之也則有饋

其兄生鵝者言適有也則足以殺其軀而已矣言適足以也

則猶當也

當訓爲則故則可訓
爲當此義釋詞不載

論語則哀矜而勿喜左傳僖十

年微子則不及此則皆當義也襄二十六年晉爲盟主諸侯或

相侵也則討而使歸其地言諸侯有相侵者

或有也也
猶者也

當討其

擅伐之罪而使歸還其所侵之地也禮記如我死則必大爲我

棺又曰如我死則必毋廢斯爵也則必猶當必也

則猶故也

此義釋
詞不載

易聖人以順動則刑罰清而民服漢書魏相

傳引作故刑罰清禮記故天下國家可得而正也家語作則天

下左傳昭二十年夫火烈民望而畏之故鮮死焉水懦弱民狎

而翫之則多死焉則與故相對成文是則故同一義也中庸其

爲物不貳則其生物不測言故其也孟子道則高矣美矣言道

故高美也

按者本然之詞

昭五年國家之敗失之道也則禍亂興言失

是道故禍亂起也

之是也

定十年涉河曰夫子則勇矣然我往必

不敢啟門言夫子故勇也周語召桓公曰子則賢矣抑晉之舉

也不失其次序言子故賢也

則通卽卽猶今也

卽訓今見爾雅孫炎注此義釋詞不載

孟子則人之所以求富

貴利達者言今人也書則惟爾眾自作弗靖言今若爾眾也

惟若

也左傳宣十三年我則爲政而亢大國之討將以誰任我則成

之上則字今也下則字當也言我今爲政而亢大國之兵將誰

任此咎我當成之也禮記我則旣言矣謂我今已言也天地則

已易矣四時則已變矣言今已易今已變也莊子大宗師篇始

吾以夫子之道爲至矣則又有至焉者矣言今又有也

則猶是也

是訓爲則故則可訓爲是此義釋詞不載

孟子無伊尹之志則篡也左文

公傳我若受秦秦則賓也保而利之則主藏也襄公傳若能掩

之則吾子也昭公傳赦圖不穀則所願也此皆則之訓是

則猶是也寔也

此義釋詞不載

左傳宣十二年我則不德而徼怨于楚

謂我寔不德也

與文公十年我實不德民何罪義同

昭十年夫子知之矣我則不

足

下文曰我實縱欲可見則與實是一義也

僖二十八年我則無禮何以戰乎襄九

年我則取惡能無咎乎定十四年范中行氏雖信爲亂安于則

發之又曰太子則禍余此皆則之訓寔

則猶是也此也

此義釋詞不載

大學則何益矣孟子則何以異於教玉

人彫琢玉哉左傳成十三年則是我有大造于西也則是康公

絕我好也襄二十五年則我周之自出至于今是賴二十六年

則析公之爲也則雍子之爲也則子靈之爲也則苗賁皇之爲也昭二十六年則是兄弟之能用力于王室也則是兄弟之能率先王之命也韓子難三篇倒義則事之所以敗也逆德則怨之所以聚也以上皆則之訓此

則猶是也夫也

是訓夫見是字詁此義釋詞不載

禮記般爾以人之母嘗巧則

豈不得以其母以嘗巧者乎則病者乎言爾以人之母試巧夫何不以已之母而試巧也乎乃遂病而不爲也乎也

豈何也以嘗巧之以

猶而也兩者字猶也下則字乃也

子亢曰以殉葬非禮也雖然則彼疾當養者

孰若妻與宰則彼猶夫彼也鹽鐵論通有篇若則飾宮室增臺榭若則猶若夫也

卽則

經傳釋詞曰卽遂也常語卽猶言卽今也字亦作則卽猶言卽是也卽猶若也卽猶或也凡五義

衍曰卽猶今人言卽今故孫炎爾雅釋詁註曰卽猶今也左傳

昭十三年卽欲有事何如謂今欲行一事也

釋詞訓卽爲若

卽則也古同聲而通用秦策王能使臣無拜可矣不卽不見也史記春申君傳君相少主如伊尹周公王長而反政不卽南面稱孤而有楚魯世家有母弟可立不卽立長不否也不卽謂否則也項羽紀徐行卽免死疾行則及禍又曰先卽制人後則爲人所制卽則對文卽實則義

卽若也秦策卽復之楚願王殺之言若又往楚也史記商君傳卽不聽用鞅必殺之言若不用鞅也李廣傳虜多且近卽有急

奈何漢

卽不

否也

不能恭

卽與則

殺舜不

沛公及

匿言乃

則訓爲

也卽坐

陛下位

噫

經傳釋詞曰噉

同

也噉嗟憂聲也倒言之則曰嗟噉或作嗟

茲或作嗟子

衍曰左傳僖三十一年穆公召孟明西乞白乙使出師於東門之外蹇叔哭之曰孟子吾見師之出而不見其入也釋文云孟子本或作孟兮石經作孟兮後人改爲孟子此孟子之子當作嗟聲越語王孫雄曰子范子將助天爲虐猶云嗟范子也

善 嗟 嗟

經傳釋詞曰善也也一曰痛惜嗟嗟也

衍曰嗟亦通咨嗟與咨聲近而義同或曰嗟乎或曰咨乎皆一

義也

此義釋詞不載

書帝曰俞咨禹史記作嗟禹

書言咨史記多作嗟

漢書王恭

傳咨庠君公可不憂哉言嗟乎也又書夏暑兩小民嗟曰怨咨

經詞

卷八

主

言怨嗟也

咎音紫 咎

經傳釋詞曰咎苛也苛與訾同訾與咎同

衍曰詩滄滄訛訛荀子引作咎咎齊策孟嘗君讌坐一人曰訾天下之王有侵君者臣請以血湔其衽注云訾不稱意也蓋叱聲也

經詞衍釋卷八終